

**Nasib Pekerja Jadi Tumpuan Utama Dalam Rangka Tindakan Gerakan Bernama**  
**29 Apr, 2014**

KUALA LUMPUR, 29 April (Bernama) -- Gerakan sedang menyediakan satu rangka tindakan transformasi yang memberi keutaman terhadap nasib pekerja, di samping beberapa isu penting lain.

Presidennya Datuk Mah Siew Keong berkata walaupun tugas itu amat mencabar, namun Gerakan berazam untuk mempertahankan hak pekerja dan menambah baik kebajikan pekerja negara ini, tanpa bimbang atau pilih kasih.

"Sesungguhnya, memang menjadi hasrat parti ini untuk melihat usaha membangunkan negara disokong oleh kumpulan tenaga kerja yang cergas, produktif dan sihat," katanya dalam perutusan sempena sambutan Hari Pekerja 2014.

Mah juga menyeru kerajaan dan majikan supaya bertindak berlandaskan standard buruh antarabangsa dengan memastikan wujudnya perlindungan lebih baik terhadap hak asasi manusia di tempat kerja.

-- BERNAMA

Copyright © 2014 BERNAMA

Source: <http://www.bernama.com/bernama/v7/bm/newsindex.php?id=1034559>